

任邱縣志卷之二

武威劉 統重修

建置志

王者建國必先辨方定位體國經野以爲民極
築城九里面各三門九緯九經涂經九軌左祖
右社前朝後市至於申畫郊圻經理溝洫亦莫
不載在冬官職於匠人此周官建置之大畧也
沿及後世人事踵增工築繁費無論帝國至畿
卽下至一郡一邑亦莫不有城隍以爲捍衛衙
署以出政治學校以重師儒壇廟以隆祈報倉

庾以備儲胥驛傳以速郵遞街市以授民廛坊
表以獎勲勤里社以編保甲橋梁以濟車徒養
濟留養諸局以恤疲癯鰥寡凡茲數事無非大
典攸關庶政所係職在守土烏容廢缺任邑之
當補葺者不一而足而學宮衙署爲尤急衙署
者觀瞻所繫政治所出乃或目爲旅舍無惑乎
視民肥瘠如秦越人也茲者廳事廨舍半就欹
傾覆其下者將有嚴墻之懼殆矣至於學宮自
歸安錢令重修後三十年來亦以漸而圯衙署
者縣令所托庇幾務稍暇統敢不勉旃學宮則

司鐸者與有責焉每見叢祠遙祀浩劫招提釋
老之徒繼黃之侶類能召號募化以圖鼎新乃
我輩願力反出若曹下也抑獨何歟

城池

城始於漢平帝元始二年中郎將任邱築元至正
間沒於水明洪武七年知縣雲霄重建永樂間
知縣謝魯重修弘治間知縣畢璽隨居民以展
象其形曰幞頭城正德間知縣李獻重築拓而
方之周五里九十五步高三丈七尺視舊址益
宏隆慶間知縣胡峻德萬歷間知縣顧問俱復

修萬歷三十八年知縣侯提封始修磚城

國朝乾隆辛未 本郡太守今陞臬憲王諱 檢督知

縣陳文合徹底重修堅實峻整屹然名城矣

門四座舊東曰先春南曰南瀛西曰西梁北曰北
雄各有樓今東曰迎曦南承薰西登瀛北拱極
角樓四東南曰登瀛西南望瀛西北來山東北
徵海正德間知縣倪璣修并題扁西南樓今無
池取土築城因而城池濶五丈深三丈濬則水旱
則涸知縣王齊復加深廣卽玉帶河也

護城隄河內若通衢河外如崇岡

橋四座東曰東阜西曰西成北曰拱辰南曰登瀛
水關四座西面一北面一東面一南面一以洩城
中聚潦咸甃以石防以閘以時啟閉知縣王齊
創建南水關今淤

解署

縣署在城西隅洪武間知縣雲霄建永樂間知縣

謝魯繼修百里陽春坊

今無

影壁

大門三楹

儀門

仁壽縣志 卷二
御箴碑在堂前

大堂三楹扁曰明新知縣劉守臣孫榮仁重修崇
禎戊寅火知縣石可章重修至

國朝康熙五十九年知縣陳餘芳重修乾隆十九年
署任知縣王錦林重修

川堂康熙五十九年知縣陳餘芳建

二堂三楹扁曰寅恭

三堂三楹扁曰鏡堂

寶筆軒

左今廢

味糲軒

右今廢

內宅有室有樓顧問重修

餘閒亭在三堂西雍正十三年知縣錢孫振建乾隆

隆二十四年統題

鏡堂公塾在內宅東北王齊建以課諸子弟

鑾駕庫在承發房北

架閣庫在馬政科北

二庫王齊建今俱無

帑藏在大堂東樓三楹臺高十丈劉守臣建

今無

造冊所在大堂西

今廢

土地祠在儀門東典史衙西

寅賓館在儀門外典史衙前

今廢

吏戶禮三房在儀門內左

兵刑工三房在儀門內右

承發房在左房北今改在兵房北

馬政科在右房北

今廢

吏廨典史衙前東十間主簿衙前西十間縣丞衙

後北十間西城下十間

今廢

馬號在縣署西

獄在儀門西南

鐘樓在縣門東倉門上乾隆六年知縣朱煥重修

鼓樓在鐘樓西

陽春門在縣門左

無今

榜房在陽春門左

無今

旌善亭在鼓樓東

無今

申明亭在旌善亭西

無今

縣丞衙舊在二堂左後改在大堂左堂三楹內宅

十數間

裁今

主簿衙在二堂右

廢今

典史衙在儀門東堂三楹內宅十數間

鄭城驛在儒學左舊有皇華坊大門鼓樓儀門駐

節堂左右廂房燕息堂厨庫驛丞宅馬神廟隆

慶間知縣郭汝重修今止存馬神廟餘俱廢

新中驛在新中鎮規模一如鄭城久廢

鄭城遞運所久革

河泊所久革

撫按察院行臺在縣治東有按治行臺坊大門扁

曰每懷靡及儀門帥正堂退思堂抄案房皂隸

房吏舍厨今廢

太僕行臺在縣治北制如撫按察院今廢

河間府行臺在縣治北制如太僕今廢

陰陽學在鐘樓東今廢

醫學在陰陽學左今廢

僧會司在度釋寺

道會司在鄭州北扁鵲祠

今按署者出政之地縉紳先生所揖讓闔邑士庶所觀瞻規模不整則體統不肅前賢一日之館必葺良有以也自居者視爲傳舍而署多荒廢又何以崇治體示尊嚴起閭閻之敬哉陸清獻公曰不以傳舍視官者斯不以傳舍視署旨哉斯言則署之修廢又不止觀瞻所係云爾也

學校

儒學在育賢街北廣四十六步袤九十步明洪武三十年主簿石士賢建永樂間知縣毛文重修天順間知縣周祐重修

國朝康熙元年知縣吳琮重修

廟門三楹卽櫺星門南向通衢前樹十八學士登瀛洲影壁今易以磚

戟門三楹

至聖廟九楹象得真傳德容宛然明嘉靖間通行撤象易以木主邑人不忍毀藏地室中尋復起出四配十哲俱有象雍正十一年知縣錢孫振重

修乾隆六年知縣朱煥十六年知縣陳文合先後重修

東廡十楹

西廡十楹供奉先賢先儒木主明成化間知縣鄭德建嘉靖間知縣陳宗武隆慶間知縣郭汝萬歷間知縣顧問先後重修

神厨庫三楹在戟門左

今無

祭器庫三楹在戟門右祭器乃鹽運副使羅昇置

今無

禮門中左右三座在文廟後

明倫堂五楹在禮門內明知縣孫鏞郭汝顧問先後重修

日新齋三楹在明倫堂左

時習齋三楹在明倫堂右

饌堂五楹在明倫堂後今無

號房東西各五楹今無

崇聖王祠三楹在明倫堂西配祀四氏從祀五人俱有木主

文昌祠三楹在學宮東明萬歷間知縣胡孟壽建教諭鈕應魁有碑記

陸清獻公曰司馬遷天官書斗魁戴筐六星爲文昌四曰司命五曰司中周禮大宗伯以禋燎祀司中司命則文星之祠久矣貌而象之號爲帝君迺道家之說也三代以上天神地祇亦無廟而祭者

魁星樓在文昌祠東南順治間邑人荊州府知府王業惇重修雍正十一年知縣錢孫振重修加高

名宦祠三楹在學宮西

鄉賢祠三楹在名宦祠後

明製卧碑在明倫堂左

明製敬一亭碑在崇聖祠前

今廢

教諭宅在明倫堂後乾隆二十三年教諭張聯全

重修

訓導宅舊在明倫堂西北廢乾隆十四年闔邑紳

士捐貲置在各宦祠西

社學明知縣孫榮仁建

今廢

學田一項吏目閔默施

今廢

書籍

附

日講四書一部 周易折中一部 書經傳說

一部 詩經傳說一部 春秋傳說一部 三
禮義疏一部 性理精義一部 通鑑綱目一
部 朱子全書一部 明鑑綱目一部 明史
一部 康熙字典一部 學政全書一部 處
分則例一部 駁呂留良四書講義一部 四
書文一部

桂巖書院舊基傾頽已久乾隆十八年邑令陳文
合於前邑侯方公祠西偏建講堂三楹左右齋
各二楹扁其門曰桂巖書院仍舊志也繼任知
縣鍾鳳翔及統重整條規延師教授詳見藝文